

საპატრიარქოს ბიბლიოთეკა



ზიარების საიდუმლოს შესახებ

**შეადგინა მღვდელმა
ლევან მექოშვილმა**

ჯვართამაღლების
სახელობის ტაძარი
თბილისი
2007

მართლმადიდებლური ღვთისმსახურება მორწმუნეთათვის ხშირად გაუგებარია, ამიტომ გადავწყვიტეთ მისი ისტორიული და საღვთისმეტყველო საკითხების წარმოჩინება.

ძე ღმრთის განხორციელება უდიდესი საიდუმლოებაა, რომელიც საუკუნითგან ანგელოზებისთვისაც კი დაფარული იყო. ეს საიდუმლოება განახლდება და განცხადდება საღმრთო ლიგურგიაზე, წირვაზე, ევქარისტიის მსახურებაზე. ევქარისტია პირველი ქრისტიანების ცხოვრების მთავარი ნაწილი იყო, ჩვენში კი ევქარისტული ცხოვრება ისე მინელდა, თითქმის მთლიანად დავივიწყეთ მისი არსი და საღმრთო ლიგურგიას მხოლოდ ერთ-ერთ რიგულად მივიჩნევთ. სამადლობელ პარაკლისებს და „დაუჯდომლებს“ მრევლი უფრო დიდ მნიშვნელობას ანიჭებს, ვიდრე წირვაში მონაწილეობას. უწინ, ევქარისტია რელიგიური ცხოვრების არსი იყო. საეკლესიო ცხოვრების ყველა მონაკვეთი თავს იყრიდა ლიგურგიის გარშემო და ერწყმოდა მას. მაგალითად: ნათლობა განსაკუთრებული დღეების აღდგომის, შობის, ნათლისღების ლიგურგიის დროს აღესრულებოდა. ქორწინებაც და გეთის ცხებაც ლიგურგიაში იყო ჩართული: ჯვრისწერა ევქარისტიულ კანონამდე აღესრულებოდა და ამის შემდეგ წყვილები ემთხვეოდნენ უფლის სისხლს და ხორცს. გეთის კურთხევა კვეთის დროს აღესრულებოდა, ხოლო ცხება ამბიონის ლოცვის დამთავრებისთანავე. მღვდლობა განუყოფელია წირვისაგან და აგრეთვე ის საიდუმლოებები, რომლებსაც სქოლასტიკური მეცნიერება საიდუმლოს არ უწოდებს, მაგრამ ჩვენი წმ. მამების აღიარებით ისინი საიდუმლოებებია: გაძრის კურთხევა, დიდი აიაზმა, მონაზვნად კურთხევა და სხვა ან ჩართულნი არიან წირვაში ან მის დროს აღესრულება. ხოლო სულიერების დაკარგვისა და მიწიერებისაკენ ღვთის შედეგად ეს კავშირი დაირღვა და მორწმუნეთა ამროვნებაში საიდუმლოებები ან მოვალეობის შესასრულებლად, ან წეს-ჩვეულებად გადაიქცა, ხოლო ევქარისტიამ დაკარგა „არსობის პურის“ მნიშვნელობა.

წმ. დიონისე არეოპაგელი ევქარისტიას „საიდუმლოებათა საიდუმლოებას“ უწოდებს. წმ. მაქსიმე აღმსარებელი ამბობს: „ვერც ერთი საიდუმლოება სრულყოფილი ვერ იქნება მთავრების გარეშე“. წმ. გრიგოლი პალამა წერს: „ჩვენ გვიყვარს საეკლესიო გადმოცემა, დაწერილი და დაუწერელი, უპირველესად კი ყოვლადწმიდა საიდუმლო მღვდელმოქმედება – მთავრება, რომელშიც აღესრულება სხვა მღვდელმოქმედებანი“.

ეკლესიის ბუნება ევქარისტიულია. ეკლესია უფლის სხეულია. ევქარისტიაც უფლის სხეულია. ამიგომ ზიარების გარეშე არ არსებობს ეკლესიურობა. ასევე ევქარისტიაც წარმოუდგენელია ეკლესიის გარეშე. ეკლესიის გარეშე მხოლოდ წარმოვიდგენთ სიონის მთაზე აღსრულებულ საიდუმლო სერობას, მოვახდენთ მის სიმბოლიზირებას, მაგრამ შეუძლებელია ეკლესიის გარეშე წარმოვიდგინოთ ევქარისტიული მსხვერპლშეწირვა, რადგან ის უმაღლო ქმედებაა. ევქარისტია (და სხვა საიდუმლოებებიც) ვერ აღესრულება სული წმიდის განმაცხოვრებელი ძალის გარეშე.

ეკლესიის მცნების გაგება მხოლოდ კატეხიზმოს კლასიკური განსაზღვრებით შეუძლებელია: („ეკლესია მორწმუნეთა კრებულია, რომელსაც ერთი რწმენა აერთიანებს...“). ეკლესია მხოლოდ კანონიკურ-ადმინისტრაციული ჩარჩოებით არ განისაზღვრება. მრევლში ყოფნა და შესაკრებელში მონაწილეობის მიღება ჯერ კიდევ არ ნიშნავს ეკლესიურობას. არ შეიძლება მხოლოდ ეკუთვნოდე ეკლესიას ან ირიცხებოდე მის მრევლში, მასში (ან მისით) უნდა იცხოვრო. რეალურად უნდა მიიღო მის ცხოვრებაში მონაწილეობა, ანუ უფლის მისტიკურ სხეულთან ერთობაშია ეკლესიურობა და ამ სხეულის ცოცხალი ნაწილი უნდა იყო. ამ სხეულის თანაზიარი უნდა იყო. წმინდა ბარძიბთან ჩვენი მწუხარებანი და სიხარულნი მიიგანება, ისინი წმინდა ნაწილებით უნდა გაგავდეს. ევქარისტია უნდა მოიცავდეს და განანათლებდეს ქრისტიანის მთელ ცხოვრებას, მის შემოქმედებას, მის საქმეებს. ამიგომ ევქარისტიული ცხოვრება არ უნდა შემოიფარგლოს მხოლოდ ცოცხალთა და მიცვალებულთა მოხსენიებით, ეკლესიაში დგომით ან ღვთისმსახურებაზე დასწრებით. ევქარისტიული ცხოვრება არც გალობის და საკითხაუბრის მოსმენაა. მორწმუნე არა მარგო უნდა იმყოფებოდეს წირვაზე, არამედ განიცადოს აღსრულებული მსახურება და მერე ჴმადროს. ჴეშმარიტი ქრისტიანისათვის საღმრთო მსახურება მართლმადიდებლობის ფილოსოფიაა და არა მხოლოდ წეს-ჩვეულებების კრებული და როგორც წმ. ირინეოს ლიონელი ამბობს: „ჩვენი სწავლება ევქარისტიასთან თანხმობაშია და ევქარისტია თავის მხრივ ამოწმებს ამ სწავლებას“.

ძველ აღთქმაში წმ. ზიარების წინასახე ზეციური მანანა იყო, იგი მარადიული პურის სიმბოლოს წარმოადგენდა ე.ი. არ იყო სრულყოფილი. მანანა ზეციდან მოვლენილი სასწაულებრივი საკვები იყო, ევქარისტია კი უფლის ჴეშმარიტი სხეულია, მანანა მხოლოდ გარკვეულ

დროში ეძლეოდა ებრაელ ხალხს, ევქარისტია კი დადგენილია განუსაზღვრელი დროით, მანანა ადამიანის მხოლოდ სხეულს კვებავდა, ევქარისტია კი მთელ ადამიანის არსებას გამსჭვალავს როგორც ფსალმუნშია, ძარღვებს, მყესებს, მუცელსა და გულს. ის ადამიანს უკვდავებას ანიჭებს, რაც მანანას არ შეეძლო.

წმ. იოანე ოქროპირი გვასწავლის: „ძვ. აღთქმაში ადამიანებს ღლეგრძელობა აღუთქვა ღმერთმა, ახლა კი ის დაუსრულებელი ცხოვრებაა“. ევქარისტია ჩვენს მიცვალებულებთან დამაკავშირებელიცაა. ვეზიარებით რა უფლის სისხლს და ხორცს, მიცვალებულებთან მჭიდრო კავშირში შევდივართ, რადგანაც ისინი უკვე მარადიულობაში (ღმერთთან) იმყოფებიან. იგივე წმ. მამა სხვაგან გვეუბნება: „მორწმუნეებმა მხოლოდ სიყვარული კი არ უნდა გამოეხატათ უფლის სხეულის მიმართ, არამედ უნდა ვეზიაროთ კიდევ. ამას იმ საკვებით შეეძლებოდა, რომელიც მან დიდი სიყვარულის ნიშნად გაიღო ჩვენთვის. მივიღოთ, ვიხმოდოთ და ვეზიაროთ სიხარულს“.

იუდეველები კითხულობდნენ: „როგორ შეუძლია თავისი ხორცი მოგვცეს საჭმელად?“ (იოანე 6, 52). და სწორედ ეს ხორცი, ღმერთთან ერთობა იყო რაციონალურად მოაზროვნე ებრაელთათვის დამაბრკოლებელი. უფლის სიგყვებმა ერთგული მოწაფეებიც დააბრკოლა და მოგიერთი, ამის გამო, ჩამოშორდა კიდევ მას. ამგვარი გააზრება არც ჩვენი დროისთვისაა უცხო. უფლის სასწაულებს ხედავდნენ იუდეველები და აღფრთოვანებაში მოდიოდნენ, მის მნებობრივ სწავლებას ღებულობდნენ და მხოლოდ ამით (ქადაგებით) იკმაყოფილებდნენ რელიგიურ მოთხოვნილებებს, ხოლო დოგმატურ სწავლებას, ძე კაცის მარადიულობის, (იოანე 8 - 58) მისი მამა ღმერთთან ერთარსობის (იოან. 5 18, 10 30-31) შესახებ, ღვთის გმობად მიიჩნევდნენ. ჩვენი დროის ადამიანის გონებაც, რაციონალური და სკეპტიციზმის სულითაა შეპყრობილი. უმრავლესობა საიდუმლო სერობაში მხოლოდ შემადრწუნებელ, გრძნობისმიერ, უფლის მოწაფეებთან განშორების სცენას ხედავს, ხოლო ლიგურგიაში ამ სერობის მხოლოდ სიმბოლურ გადმოცემას. ჩვენს დროშიც ხომ ბევრნი იუდეველების მსგავსად შორდებიან ქრისტეს და ეკლესიას. ასეთი ადამიანები სახარებას ღებულობენ როგორც მნებობრივი ქადაგებების კრებულს და რენანის და ლევ გოლსტოის მსგავსად ქრისტეს სრულყოფილ მორალის მქადაგებლად მიიჩნევენ. რაციონალურად მოაზროვნე რელიგიური ადამიანისათვის უფლის სისხლის და ხორცის მიღება უაზრობა და მი-

ულელებია. ეს სწავლება ამჟამადაც რჩება ზოგიერთისთვის სისულელედ. თანამედროვე ადამიანს ზიარების, ადამიანის სხეულის განდგომის შესახებ სწავლების მიღება უფრო უჭირს, ვიდრე ღმერთის არსებობა.

პირველ საუკუნეებში ევქარისტიკულ ღმრთისმსახურებას სხვადასხვა სახელწოდება ჰქონდა. უფლის სერობა, პურის განგება, შეწირვა (მოგანა) მოხმობა (სული წმიდის), ლიგურგია (საერთო საქმე), ალაპი (სიყვარული) შეკრება. უფრო ხშირად გვხვდება „ევქარისტია“. ეს სიტყვა ახალ აღთქმაში გვხვდება კურთხევის მნიშვნელობით (მთ. 14, 19, მარკ. 6,41. ლკ. 24,30. იონ. 6,11). ძვ. აღთქმაში კი ძირითადად მადლიერების მნიშვნელობით. პირველი ქრისტიანები ევქარისტიას მსხვერპლშეწირვის საიდუმლოებად მიიჩნევდნენ. ევქარისტია არის საიდუმლო სერობის გახსენება და გამეორება. ევქარისტია არის განხორციელებული უფლის ჭეშმარიტი სისხლი და ხორცი.

პირველ ორ საუკუნეში შექმნილი ლოცვების ტექსტები ჩვენამდე არაა მოღწეული. ერთ-ერთი მიზეზი ისიც არის, რომ ქრისტიანები ერიდებოდნენ საიდუმლოს წერილობით ჩაწერას, რომ ისინი ხელში არ ჩავარდნოდათ ურწმუნოთ ან უნათლავებს. ევქარისტიის წესის შესახებ ცნობები მე-4 საუკუნის ბოლოს წმ. მამების შემოქმედებაში შეიძლება მოვიძიოთ. (წმ. კირილე იერუსალიმელი, წმ. ბასილი დიდი, იოანე ოქროპირი).

ევქარისტიის ლოცვები უფლის მიერ კაცობრიობის გამოხსნის მადლიერებას გამოხატავს. ჩვენი ღრთის ბიბანგიური გიჰის ლიგურგია 3 ნაწილად იყოფა. 1. კვეთა, რომელიც ოდესღაც მართალთა ლიგურლიის დაწყების წინ აღესრულებოდა გადაგანილია ლიგურგიის დაწყების წინ. 2. კათაკმეველთა (მოსანათლად განმზადებულთა) ლიგურგია. 3. მართალთა ლიგურგია.

კვეთის ღრთის მოძღვარი ძვ. აღთქმიდან ისაიას წინასწარმეტყველების იმ ნაწილს კითხულობს, რომელიც იესო ქრისტეს სიკვდილსა და მსხვერპლშეწირვას ეხება, ამასთანავე ლახვრით სეფისკვერს გარკვეული თანმიმდევრობით ჭრის (კვეთს). ე.ი. კვეთა იწვება მსხვერპლშეწირვის სიტყვებით, რადგანაც ლიგურგია მხოლოდ ზიარების საიდუმლო კი არაა მსხვერპლშეწირვაცაა აღსრულებული ყოველთვის და ყველასათვის. გარიგის (სეფისკვერის ნაწილი, რომელიც მერე წირვაზე იესო ქრისტეს ხორცად გადაიქცევა). მომზადების შემდეგ, მღვდელი დანარჩენი სეფისკვერებიდან ღმ-

რთისმშობლის და წმიდანთა ნაწილებს ამოკვეთს და გარიგის გარშემო დააბრძანებს. შემდეგ მრევლის მიერ შემოგზავნილი სეფისკვერებიდან ამოკვეთილ ნაწილებსაც მიუმაგებს, ამით ქრისტეს გარშემო იკრიბებიან დედა ღმრთისმშობელი, წმიდანები, ჩვენი მიცვალებულები და ცოცხლები, ანუ ამ ქმედებით „ზეციური“ და „მიწიერი“ ეკლესიების ერთობა მყარდება.

როგორც აღვნიშნეთ, კვეთა შუა წირვისას აღესრულებოდა, მაგრამ სულაც არ იყო ნაკლებმნიშვნელოვანი. დღეს სულ სხვა სურათი გვაქვს. მორწმუნე თვლის, რომ ჟამნობაზე დასწრება სულაც არ არის აუცილებელი (რომლის დროსაც შეიძლება კვეთა მიმდინარეობდეს სამკვეთლოში), რადგანაც სეფისკვერის შეძენასა და მოსახსენებელის შეგზავნისას, წირვის დაწყებისასაც შეძლებს და მოძღვარი მრევლს მოიხსენიებს მის მოსახსენებელს. ე.ი. წავედით კომპრომისზე, მაგრამ რის ხარჯზე? იმის, რომ კვეთის მნიშვნელობა (შეწირვის არსი დაკნინდა) აღარ გვესმის და ნაკლებ ღირებულ მომენტად ვაქცევთ. მასში მრევლი პრაქტიკულად აღარ ღებულობს მონაწილეობას. ზოგიერთ ქვეყანაში დღესაც არიან მორწმუნენი, რომელთაც საკუთარი ხელის გამომცხვარი სეფისკვერი, სუფთად დამზადებული ღვინო, გეთი და საკმეველი მიაქვთ შესაწირად, გადასცემენ სამსხვერპლოში დიაკონს ან მღვდელს მოსახსენებელთა სახელებით. ეს აღესრულებოდა მწუხრზე, ან დილით ცისკარზე, სანამ კვეთა არ იყო დამთავრებული. ასეთი სურათი, ანუ ძღვენის შეწირვა ექვარისგიული გრაჰემისთვის მოციქულთა დროინდელი გრადიციის გაგრძელებაა. ჩვენს შემთხვევაში კი ეს კვალი დაკარგულია.

რაც შეეხება კვეთის დროს აღსრულებულ სიმბოლურ ქმედებებს: ფეშხუმი, რომელზეც გარიგი დაიდება, წარმოადგენს ბეთლემის იმ ადგილს, სადაც მაცხოვარი იშვა.

ეს გარიგი სამყაროს შექმნამდე განკუთვნილი იყო დასაკლავად (I პეტრ. 1, 19-20). რაღაც დრომდე იგი დაფარული იყო ამ სოფლისაგან, რომელსაც გამოხატავს დაფარული დახურული ფეშხუმი. გარიგის ამოღება სეფისკვერიდან გვახსენებს უფლის გამოსვლას კაცობრიობიდან მსხვერპლშესაწირად. ე.ი. კვეთა განასახიერებს უფლის შობას, ბავშვობას და საერთოდ მიწიერ ცხოვრებას ნათლობამდე.

2. კათაკმეველთა ლიგურდია. თვით სახელწოდება ჩვენში აღადგენს კათაკმევლობის „ინსტიტუტს“, ანუ იმ მომენტს, როცა მოსანათ-

ლად ემზადებოდნენ. წირვის ამ ნაწილზე მოუნათლავენ დასწრების უფლება აქვთ. პირველ საუკუნეებში კათაკმევლებს უკითხავდნენ საღმრთო წერილს განმარტებებით, აცნობდნენ სჯულის საკითხებს. მართალია, ჩვენს დროში კათაკმეველთა ლიტურგიას დაკარგული აქვს თავისი საწყისი მნიშვნელობა (თითქმის მივიწყებულია კათაკმეველთა მომზადება), მაგრამ იგი მდიდარია დიდაქტიკური მასალით, ვიდრე მართალთა ლიტურგია: ამ დროს იკითხება სამოციქულო, სახარება და უწინ ქადაგებაც ამ დროს წარმოითქმებოდა, რაც უფრო გუსგად მიესადაგება ლიტურგიის გიპიკონს. დიაკონის მიერ თითქმის სამი კვერექსი, რომელთა ბოლოს მოძღვარი კითხულობს ე.წ. საიდუმლო ლოცვებს. საიდუმლო უნდა გავიგოთ როგორც მისტიკური, ღრმა მნიშვნელობის, და არა როგორც დაფარული, ყველასათვის ხელმიუწვდომელი. უწინ საიდუმლო ლოცვებს მოძღვარი ხმამაღლა კითხულობდა მრევლის გასაგონად, რადგანაც მრევლიც აქტიური მონაწილე იყო წირვისა, და არა მარგო გაძრის პასიური მომლოცველი. მაგრამ გარკვეული დროის გასვლის შემდეგ დაეცა, გაფერმკრთალდა ქრისტიანეთა ევქარისტიული ცხოვრება. ხალხის გულგრილობამ ეკლესიური ცხოვრებისადმი, ზოგიერთი ლოცვის „ჩუმად“ საიდუმლოდ წაკითხვა მოიგანა, მაგრამ უნდა აღინიშნოს, რომ ამ პრაქტიკას არ გამოუცოცხლებია ევქარისტიული ცნობიერება. ეს პრაქტიკა იუსტინიანე იმპერატორის დროიდან იღებს სათავეს (VI ს.). ხოლო VIII ს. მთელი აღმოსავლეთისთვის საყოველთაო ხასიათს ღებულობს.

მთელი ლიტურგია უფლის მიერ კაცობრიობის გამოსნის განახლებაა, გახსენებაა მისი მოღვაწეობისა, ხოლო ლიტურგიის კერძო ნაწილები – უფლის დედამიწაზე ცხოვრების გარკვეული ეპიზოდებია. კათაკმეველთა ლიტურგიის პირველი ნაწილი უფლის ცხოვრებაა საქადაგებლად გამოსვლამდე, სახარების კითხვა მისი საქადაგებლად გამოსვლა. სანამ მოძღვარი სახარებით გრაჰემს შემოუვლის და ამბიონზე გამოვა, წინ უსწრებს ლოცვა, რომელიც შეგვახსენებს, რომ მღვდელმსახურთან ერთად ანგელოზნიც მსახურებენ და ამიგომ ეს მსახურება თვით ზეცის მსახურთათვისაც საშინელია. „წმიდაო ღმერთოს“ გალობის დამთავრებისას მღვდელი ამბობს ლოცვას, რაც მოასწავებს უფლის მოსვლას თავისი დიდებით. მაღალდასაჯდომელთან მისვლა საღმრთო წერილის მოსასმენად ხდება, ამიგომ კათაკმეველთა ლიტურგიაში ეს მომენტი ყველაზე მნიშვნელოვანია. სამოციქულოს კითხვისას მღვდელი ზის, რაც მისი ხარისხის მოციქუ-

ლებრივთან თანასწორობას გამოხატავს, მრევლის ჯდომა ამ დროს გაუმართლებელია.

ლიგურგიის დაწყებამდე მოსანათლავეები გადიან გაძრიდან და მღვდელი კითხულობს მართალთათვის ლოცვას (ასეთი ლოცვა ორია). ამ ლოცვას იგი ყველა მლოცველის სახელით წარმოთქვამს. ეს ხაზს უსვამს ლიგურგიის ერთიანობას. მრევლი თანამწირველია. მღვდლის ლიგურგია მორწმუნეთაგან საიდუმლოდ, დაფარულად არ აღესრულება, არამედ „ერთითა პირითა და ერთითა გულითა“. მღვდელი და მრევლი სხვადასხვა ლოცვით განზომილებაში არ იმყოფებიან.

წმ. ბასილი დიდის ლიგურგიაზე მართალთა მეორე ლოცვისას ეკლესია კიდევ ერთხელ აღიარებს, რომ თითოეული საიდუმლოს აღსასრულებლად სული წმიდის მადლია საჭირო. ეს უკვე მეორე მოწვევაა სულიწმიდისა (I მეუფეო ბეცათაო წირვის დაწყების წინ) ეკლესია ხაზს უსვამს, რომ საიდუმლოს აღსასრულებლად მნიშვნელოვანია არა მხოლოდ ერთი მომენტი (როგორც ჩვენ ვიქცევით ხშირად, წირვაზე არ ვართ ყურადღებით და „ძალებს ვიკრებთ“ მხოლოდ სულიწმიდის გარდამოსვლის დროს). საიდუმლოს „აღმასრულებელი ფორმულა“, არამედ მთლიანი წირვა თავიდან ბოლომდე. წირვა – დაწყებული კვეთიდან სამადლობელო ლოცვამდე ერთი ორგანული მსახურებაა, ის არაა დაყოფილი სხვადასხვა მომენტებად და ეს ერთიანობა აუცილებელია მღვდელმოქმედებისათვის. უფლის მიერ კაცობრიობის გამოხსნის საიდუმლოში, მის მთლიან მიწიერ ცხოვრებას აქვს მნიშვნელობა და არა ცალკე აღებულ თითოეულ ეტაპს: საიდუმლო სერობას, გეტსიმანიის ბაღს, გოლგლთის გზას, მსხვერპლშეწირვას და ჯვარცმას. ლიგურგიის თანმიმდევრობა, სიმბოლოებით გამოხატავს უფლის შობას მის ამაღლებამდე. წირვაში უფლის მთლიან ცხოვრებას გავივლით. ძღვენი იკურთხება სულიწმიდით, მაგრამ სული წმიდა წირვის განმავლობაში რამდენჯერმე მოიხმობა, რადგანაც ლიგურგიის თითოეული მომენტი მნიშვნელოვანია საიდუმლოების აღსასრულებლად. ევქარისტია, მხოლოდ უფლის სიგყვების „მიიღეთ და სჭამეთ...“ „სუთ ამისგან...“ განმეორებით კი არ აღესრულება და არც მხოლოდ სულიწმიდის ლოცვებით, „და ჰქმენ უკუე პური...“, არამედ მთლიანი წესის აღსრულებით, ყველა ლოცვის ერთიანობით.

ჩვენს დროში დიდ შესვლას (ძღვენის გამოგანა სამკვეთლოდან გრაჰებზე), თვით პურის და ღვინის ქრისტეს ხორცად და სისხლად

გადაქცევაზე დიდ მნიშვნელობას ვანიჭებთ. ყოველ შემთხვევაში მორწმუნეები დიდ შესვლას უფრო კრძალვით და შიშით უყურებენ (როდესაც იხოქებენ, აძლიერებენ ლოცვას) და რელიგიურ გრძნობებს უფრო დიდი პატივისცემით გამოხატავენ. დიდი შესვლის სიმბოლური მნიშვნელობა უფლის ჯვარცმა და დასაფლავებაა, მღვდლის მიერ ფეშხუმის აღება ღიაკონის თავიდან უფლის ჯვრიდან გარდამოხსნას ნიშნავს, კმევა – იოსების და ნიკოდიმოსის მიერ უფლის სხეულის ნელსაცხებლით ცხებას, დიდი დაფარნა რომლითაც ბარძიმი და ფეშხუმი იფარება საფლავზე მიგორებული ლოდი.

ღიაკონის სიგყვების „ვიყუარობდეთ ურთიერთას, რათა ერთობითი აღვიარებდეთ“, შემდეგ არა მარგო მღვდელმსახურნი, არამედ ერისკაცნიც ეამბორებიან ერთმანეთს, მამაკაცები მამაკაცებს, მანდილოსნები მანდილოსნებს. ეს სტრიქონები იმ ქრისტიანებს შორის ვინც ზიარებას აპირებს, სრულ შერიგებას მოასწავებს. უფლის მცნება (მთ. 5, 23). ხომ გვასწავლის ვისაც მსხვერპლის შეწირვა სურს, უწინ შეურიგდეს თავის ძმას. მაგრამ ეს შერიგება და ერთსულოვნება მხოლოდ ბაგისმიერი არ უნდა იყოს, არამედ ჭეშმარიტი სინანული და ერთსულოვნება უნდა ჰქონდეს საფუძვლად. სწორედ ამიგომ, ამის შემდეგ სარწმუნოების სიმბოლო წარმოითქმის, რომელიც ყველა ქრისტიანის დოგმატური ერთსულოვნების საზომია. საეკლესიო ლოცვა, განსაკუთრებით კი ევქარისტია ვერ აღესრულება თუ, მორწმუნეთა შორის სარწმუნოებრივი ერთობა არ იარსებებს, ევქარისტია სხვა აღმსარებელთან შეუძლებელია. ევქარისტიული მსხვერპლი ერთი პირით და ერთი გულით შეიწირება, რაც ერთ რწმენას ეფუძნება. ერეგიკოსებთან ლოცვის შეუძლებლობა მათდამი სიძულვილის ან ჩვენი აღმაგებულობის და ამპარგავნების მიზეზი კი არ არის, არამედ დოგმატური ერთობის მოთხოვნილების შესრულებაა, აუცილებელია, ერთობა რწმენის საკითხებში – ამას ითხოვს საეკლესიო სამართალი, ამიგომ უცხო რწმენის ადამიანთან ლოცვა ონგოლოგიურად გაუმართლებელია. სანამ მორწმუნეები ერთმანეთს ეამბორებიან, ისმის ეკლესიის თხოვნა: „ვიყვარებოდეთ ურთიერთას...“ თუ ეს ერთსულოვნება არ იქნა ლიგურგიული ერთობაც შეუძლებელი იქნება. „კარნი, კარნი სიბრძნით მოხედენ“ – ძველად ეს სიგყვები მეკარესთვის (ეკლესიის მსახური) გაისმოდა, რომ გაძარში კათაკმეველი ან ერეგიკოსი არ შემოსულიყო, რადგანაც ღმრთისმსახურება უკვე უახლოვდება თავის მნიშვნელოვან ადგილს. მართალია ჩვენს დრო-

ში ამ სიგეყებმა დაკარგეს ადრინდელი მნიშვნელობა, მაგრამ შეიძინეს უფრო ღრმა, წმ. გერმანე კონსტანტინოპოლელის განმარტებით: - ამ ღროს, ჩვენი გონების კარი უნდა გავხსნათ და ყურადღებით მოვისმინოთ რწმენის სიმბოლო. მრწამსის კითხვა თავიდანვე არ იყო ღმრთისმსახურების შემადგენელი ნაწილი. ძველად, ის მხოლოდ წელიწადში ერთხელ დიდ პარასკევს კათაკმეველთა ნათლობისას წაკითხებოდა. VI ს-დან ანგიოქიის ეკლესიაში მრწამსს უკვე ყოველ ლიგურგიაზე კითხულობენ. აღმოსავლეთში ზოგან მას კითხულობს ან კლირიკოსთა წინამძღოლი ან დამსახურებული ერისკაცთაგანი, მონასტრებში კი წინამძღვარი. მრწამსის წაკითხვით, ან გალობით მართალთა ლიგურგიის პირველი (მოსამზადებელი) ნაწილი მთავრდება, ამის შემდეგ იწყება ევქარისტიული ლოცვა ანუ ანაფორა. ლიგურგიის მთავარი ნაწილი ევქარისტიულ კანონად ან ანაფორად იწოდება, რომლის ღროსაც წმ. ნაწილების შეწირვა ხდება.

„ვსდგეთ კეთილად, ვსდგეთ შიშით მოხედენ წმიდასა ამას შესაწირავსა“ – როგორც წმ. იოანე ოქროპირი გვასწავლის: „ამ ღროს ისე უნდა ვიდგეთ, როგორც ღმერთის წინაშე მდგომ ადამიანს შეეფერება, შიშით და კრძალვით, სულის სიფხიზლით“.

მღვდელი, სიგეყებით, „ვმადლობდეთ უფალსა“, იწყებს თვით ევქარისტიას ანუ მადლიერების ლოცვას. ამ სიგეყების გამო, თვითონ მსახურება იწოდება ევქარისტიად, ლიგურგიის ეს სახელწოდება ერთ-ერთი უძველესთაგანია. თვითონ უფალმა საიდუმლო სერობაზე, სანამ მოწაფეებს მისცემდა თავის ხორცსა და სისხლს, უწინ მადლობა უძღვნა მამა ღმერთს, რაც ღვთისმსახურებაშიც აისახა. სამადლობელო ლოცვაში მღვდელი მადლობს ღმერთს ყველაფრისათვის: სამყაროს შექმნისათვის, ადამიანზე მზრუნველობისათვის, მასზე მოუკლებელი მოწყალებისათვის, კაცობრიობის გამოხსნისათვის. მრევლმაც უნდა იცოდეს და ყოველთვის ახსოვდეს, რომ ღმრთისადმი მადლიერების გამოხატულების საუკეთესო დრო სწორედ ახლაა ე.ი. ევქარისტიული ლოცვის დასაწყისში. „ვმადლობდეთ უფალსა“ – მთლიანმა კრებულმა და თითოეულმა ცალ-ცალკე ღმერთს სიგეყიერი და უსისხლო მსხვერპლი უნდა შესწიროს, უსაზღვრო მოწყალებისათვის. აქედან გამომდინარე ლიგურგიის ბოლოს სამადლობელო პარაკლისის გადახდა ყოველად მიუღებელია, რაც ევქარისტიული ცნობიერების უარყოფის მაჩვენებელია.

ყოველი წირვა ძე ღვთის განკაცება და გოლგოთის მსხვერპლის

გამეორებაა. უფლის განჯვის მოსაგონებლად აღესრულება ეს საიდუმლო (1 კორ. 11.26) ეს მოგონება მხოლოდ წარსულის გახსენება არაა. ევქარისტიულ მოგონებაში წარსულის აწმყოს და მომავლის საზღვრები ირღვევა. ევქარისტიული უსისხლო და სიგყვიერი მსხვერპლი დროის მიღმა აღესრულება. ის ჩვენ ლოგიკას არ ემორჩილება, არც ჩვენს გრძნობათა სამყაროს დაემონება. ჩვენ წირვაზე ვიხსენებთ მომავალსაც. როგორც ძველი აღთქმის წინასწარმეტყველთათვის არ არსებობდა დროის საზღვრები (ისინი საუბრობდნენ წარსულ დროში მომავალ ამბებზე, ოღონდ თითქოს უკვე როგორც აღსრულებული, ასევე ახალ აღთქმაში წირვაზე, ვახსენებთ არა მარტო წარსულს (განჯვას, სიკვდილს, აღდგომას, ამაღლებას), არამედ მეორედ მოსვლას და სამსჯავროს. გარიგი დასაკლავად გამზადებული იყო ჯერ კიდევ სამყაროს შექმნამდე (I პეტ. 19-20), თუმცა გამოჩნდა, მოგვევლინა დროში, „ბოლო ჟამს“.

ეპიკლემა – სული წმიდის მიწვევის ლოცვები, რომელიც ყველა საიდუმლოს დროს აღესრულება, ისევე როგორც ჩვენი მთლიანი ლიტურგიკული ღმრთისმეტყველება, სული წმიდის ღვთაებრიობის აღიარებაა. წმ. ბასილი დიდი წიგნში „სული წმიდის შესახებ“, წერს: „ვინ გვასწავლა პირჯვრის გამოსახვა? რომელი წერილი გვასწავლის ლოცვისას აღმოსავლეთით დგომას? რომელ წმინდანს დაუგოვებია ჩვენთვის წერილობითი წყარო მოწვევის ლოცვის შესახებ ევქარისტიული პურისა და წმ. ბარძიმის ჩვენებისას? ჩვენ არ ვკმაყოფილდებით იმ სიგყვებით, რომელიც მოციქულის მიერ სახარებაშია გადმოცემული, მის სიგყვებამდე და მერეც წარმოვთქვამთ სხვა ლოცვას, რომელსაც საიდუმლოს აღსრულებისათვის დიდი მნიშვნელობა აქვს: ეს ყველაფერი ჩვენ ზეპირი გადმოცემით მოგვეცა“. ცხადია, აქ წმ. ბასილი ამოწმებს ეპიკლემის მოციქულთა დროინდელობას. წმ. იოანე ოქროპირი: „დგას მღვდელი (სამსხვერპლოს წინ) და ზეციდან გადმოჰყავს არა ცეცხლი, არამედ სული წმიდა, კითხულობს გრძელ ლოცვებს, არა იმისათვის, რომ ცეცხლმა დაწვას მსხვერპლი, არამედ იმისათვის, რომ ღმრთის მაღლი მოვიდეს შესაწირავზე და მისით ჩვენი გულებიც აანთოს“.

ევქარისტია მსხვერპლშეწირვაა და გოლგოთის მსხვერპლის გამეორება. ევქარისტიაში მსხვერპლშეწირვის დავიწყება ღვთის მიერ კაცობრიობის გამოსხნის საიდუმლოს უარყოფაა. უნდა გვახსოვდეს, ეს მსხვერპლი „ყოველთა და ყოველთათვისაა“ და იგი, ღმრთისა და

სამყაროს ურთიერთობის უმაღლესი საფეხურია. ახალი აღთქმის მსხვერპლი იმიტომაა უსისხლო, რომ იგი მიწიერი ხასიათის არაა და მას მორწმუნე მარადიულობაში შეჰყავს. მთელი კაცობრიობის თხოვნები თავს იყრიან ექვარისგიაში. წმ. ამბროსი მედიოლანელის ლოცვაში ნათქვამია, რომ მღვდელს ღმერთთან ადამიანთა მწუხარებანი მიაქვს, გყვეთა ოხვრა, ღარიბთა განჯვა, მოგზაურთა საჭიროება, უძლურთა ტკივილები, მოხუცებულთა სისუსტენი, ყრმათა გირილი, ქალწულთა აღთქმანი, ქვრივთა და ობოლთა სათხოვარი“.

ექვარისტიულ მსხვერპლშეწირვაში მღვდელი მაღლობს, შუამდგომლობს ადამიანსა და ღმერთს შორის, რათა მოწყალე გახდეს უფალი. ქრისტიანის დამოკიდებულება ღმრთისადმი ექვარისტიული უნდა იყოს, ანუ ღვთაებრივი ლიგურგია არის მაღლობის გამომხატველი. ჩვენ კი მაღლობის გამოხატვას უფრო ხშირად პარაკლისებით ვიხდით. ცხადია, ჩვენ არ ვკრძალავთ პარაკლისებს, მაგრამ უნდა ვიცოდეთ, რომელია აღმაგებული, მეტად მნიშვნელოვანი. ექვარისტიის მსხვერპლი აღესრულება ცოცხალთა და მიცვალებულთათვის, ზეციური და მიწიერი ეკლესიებისთვის. მასში თავს იყრის ლოცვა ცოცხლებისთვის და ლოცვა ცოდვათა მიტევებისა ამქვეყნიდან გასულთათვის. მსხვერპლი შეიწირება წმიდანებისთვის, როგორც ძველი, ისე ახალი აღთქმისა, და განსაკუთრებით, ყოვლადწმიდა ღმრთისმშობლისადმი. ეკლესია განწმედს ყველაფერს თავისი მზრუნველობით და ლოცვით. ეკლესიისთვის ჩვენი ცხოვრების არც ერთი მხარე უმნიშვნელო არაა. ის აკურთხებს ჩვენს ოჯახებს და ადამიანის შრომას. ის წუხს ჩვენს ტკივილებზე და უხარია წარმატებები.

„საღმრთო მაღლი“ პირველად ძღვენს განწმედს, აკურთხებს და მერე ჩვენზეც მოქმედებს. ამიტომ ძღვენზე მაღლის მოქმედებას ვერავითარი ადამიანური სისუსტე, ცოდვა, ბოროტება ვერ შეეწინააღმდეგება, რადგანაც ძღვენის კურთხევა ადამიანური სათნოებით არ აღესრულება, ამიტომ ჩვენი უღებება და ცოდვები მას წინ ვერ დაუდგება. მაღლი განგვწმედს წმ.: ძღვენით (პური, ღვინო) თუ ღირსნი შევხვდებით მას, ხოლო თუ მოუმზადებელნი – დავისჯებით.

როდესაც მოძღვარი წმ. გარიგს აღამაღლებს სიგყვებით „წმიდაა წმიდათა“, თითქოს ამბობს „აი, ცხოვრების პური, რომელიც თქვენთვის გარდამოხდა ზეცით, მოდით და ეზიარეთ მას, მაგრამ ყველას როდი აქვს უფლება მიიღოს იგი – მხოლოდ მას, ვინც განიწმინდა. სიწმინდესთან მხოლოდ წმინდა დაიშვება, „წმინდანი“ გულისხმობს არა მარ-

გო სათნოებაში სრულყოფილს, არამედ სიწმინდისაკენ მიმსწრაფე-
ელს. ეცემი, მაგრამ ცოდვის მორევში დარჩენა არ გსურს. მგალო-
ბელთა პასუხი მოძღვრის გაფრთხილებაზე: „ერთ არს წმიდა, ერთ
არს უფალი იესო ქრისტე...“ ნიშნავს: კაცთაგან არავის ძალუძს თავის
ძალისხმევით განწმენდა, სიწმინდე ადამიანური სათნოებებით ვერ
მიიღწევა, მხოლოდ უფალ იესო ქრისტეს დახმარებით. თუ მზეზე რა-
მოდენიმე სარკეს მოვათავსებთ, მაშინ ყველა განათდება და სხივებ-
საც გამოსცემს, იქმნება შთაბეჭდილება, თითქოს მრავალ მზეს ვხე-
დავთ, სინამდვილეში კი ერთი მზე ანათებს მრავალი სარკით. ასევე,
ერთი წმიდა უფალი ჩასახლება რა მართალთა სულებში, მათაც წმინ-
დანად წარმოაჩინებს, სინამდვილეში კი მხოლოდ ის, უფალია წმინდა.

მღვდელი ამ ასამაღლებლით არა მარტო თავის და მრევლის მნეო-
ბრივ მომზადებას „ამოწმებს“, არამედ მთელ ეკლესიას ერთობისაკ-
ენ მოუწოდებს. ზიარება უფალთან მისვლაა, მორწმუნეები ერთიან-
დებიან ერთ წმინდა სხეულში (ეკლესიაში), რომლის თავიც უფალი
იესო ქრისტეა. და რადგან თავი ამ სხეულისა წმინდაა, მისი ძალ-
ისხმევით განიწმინდება სხეულის ყველა ნაწილი. ძველად, ვინც რა-
მოდენიმე კვირა გედიმად არ ეზიარებოდა, თვლიდა, რომ თვითონ
განაყენებდა თავს ეკლესიისაგან.

ეკლესიის ერთიანობა შეიძლება განიხილებოდეს საეკლესიო ორ-
განიზაციის ერთიანობით, ე. ი. ადმინისტრაციულ-დისციპლინარული
სტრუქტურის ერთიანობა ეპისკოპატთან – ასეთი ერთობა იურიდიუ-
ლი, კანონიკურია. ეკლესიას აქვს ერთიანობის სხვა საფუძველიც. ესაა
ერთობა გადმოცემაში. ეს ერთობა დოქტრინალურია. ყველაზე მეტად
კი ეკლესიის ერთიანობა ჩანს მის ევქარისტიულ ბუნებაში. ეკლესი-
ის ევქარისტიულ ცხოვრებაში მონაწილეობა ეკლესიის ერთიანობის
ცხოვრებისეული აღიარებაა და არა დოქტრინალური.

ზიარების წინ მოძღვარი განგებს გარიგს ოთხ ნაწილად, შემდეგ
პაგარა ნაწილებად დაანაწევრებს ან დაჭრის ლახვრით. მიუხედა-
ვად წმ. ნაწილების დანაწევრებისა გარიგი განუყოფელი და მთლიანი
რჩება. ევქარისტიული მსხვერპლშეწირვის ეს გონებით აუხსნელი
საიდუმლოება, საშუალებას გვაძლევს ყოველდღიურად აღვასრულოთ
ლიტურგია ჩვენი სამყაროს სხვადასხვა გრაჰემზე. ზიარებისას მორ-
წმუნეს ეძლევა ქრისტეს სხეულის არა რომელიმე ნაწილი, არამედ
მისი სხეულის მთლიანობა, და ვეზიარებით მისი წმიდა სხეულის არა
რომელიმე ნაწილს, არამედ ამ მთლიანობას.

ჩვენ ვეზიარებით უფლის არა გოლგოთაზე განჯულ სხეულს, არამედ განღმრთობილს და ზეცად ამაღლებულს.

მრევლის ზიარების შემდეგ, მღვდელი ფეშხუმიდან დედალვთისმშობლის, წმიდანების და ცოცხალთა და მიცვალებულების სახელზე ამოკვეთილ ნაწილებს ჩაუშვებს ბარძიმში, უფლის სისხლთან და ხორცთან, ეს მისტიკურად მეგად მნიშვნელოვანი მომენგია. ამ დროს ცოცხლები და გარდაცვლილები წმინდანებთან ერთად უფლის სიკვდილისა და აღდგომის გახსენებაში ღებულობენ მონაწილეობას.

უფალი თავისი სისხლით განწმედს კვეთაში მოხსენებულებს. ზოგიერთი მორწმუნისთვის ლიგურგიაში მონაწილეობის მიღება მხოლოდ სეფისკვერების და მოსახსენებლების მიწოდებით მთავრდება, უმრავლესისათვის კი უცნობია თუ რა მოსდის მათი სეფისკვერებიდან ამოღებულ ნაწილებს წირვის ბოლოს, ამიგომაც გაუგებარი ხდება მთლიანი ლიგურგიის მნიშვნელობა. ზიარება ევქარისტიის ერთ-ერთი უმთავრესი მომენგია. ამ საიდუმლოს არსიც ესაა: მორწმუნენი მივიდნენ ღმერთთან, განიღმრთონ, ე.ი. პურის და ღვინოს ხორცად და სისხლად გადაქცევისათვის არ ხდება, არამედ ჩვენს განსაწმედელად. წმ. იოანე ოქროპირი ამბობს: „ვინც წმ. ხორცს ღებულობს, უფალ ქრისტეს მეშვეობით ერთმანეთს უერთდებიან, ეს შეერთება უფრო აღმატებულია ვიდრე ჩვეულებრივი კავშირი“.

ძველ დროში ქრისტიანები ხშირად ეზიარებოდნენ. წირვაზე ვინც იდგა, ეზიარებოდა კიდევ. წირვაზე გალობის მოსასმენად, მღვდლის ასამაღლებლებით დასაგებობად ან რიტუალის საცქერლად არ უნდა მიდიოდეს მორწმუნე. წირვაზე მყოფობა მოითხოვს ზიარებასაც. ახლა ეზიარებიან აღსარების შემდეგ, აღსარებას კი წელიწადში ერთხელ, ან რამოდენიმეჯერ ამბობენ. ზიარება ეკლესიური ცხოვრების განუყოფელი ნაწილი უნდა იყოს. ვინც არ ეზიარება, არაეკლესიურად ცხოვრობს. ჩვენი სამოგადოების არაეკლესიურობა ევქარისტიული ცხოვრების არსის არცოდნიდან გამომდინარეობს. ყველა ძველი მამა საუბრობს ყოველდღიურ ზიარებაზე ან კვირაში ერთხელ მაინც: კაპადოკიაში კვირაში ოთხჯერ ეზიარებოდნენ, ალექსანდრიაში მორწმუნე მრევლი სახლში ინახავდა წმ. ნაწილებს და თვითონვე ღებულობდა მას. ეგვიპტის მონასტრებში ყოველკვირა ეზიარებოდნენ. ჩვენთვის მთავარი უნდა იყოს არა მარტო საიდუმლოს გაგება, არამედ საიდუმლოებაში მონაწილეობა, განღმრთობა.

განსაკუთრებული მომზადება მართებს მორწმუნეს ზიარების წინ:

გაძრის მოლოცვა, სახლში გულმხურვალე ლოცვა, წმ. ზიარებასთან მიახლებაზე ფიქრი, მარხვა, თავშეკავება გართობისაგან და ყოველივე იმისაგან, რაც სულს აუმღვრევს, აზრებს შეურყვნის, სახარების და რელიგიური ლიტ. კითხვა. თუმცა, ზოგიერთი კი კარგად ემზადება ზიარებისთვის, მაგრამ ზიარების შემდეგ აღვილად მიიქცევა ცოდვილი, ამაო ცხოვრებისაკენ, რომლისგანაც განთავისუფლებას ორი ღღის წინ ცდილობდა.

ხშირად, იქვე გაძარში იწყება ამაო საუბარი, მაზიარებლები ცდილობენ, რაც შეიძლება მალე დაგოვონ ის წმინდა აღგილი, სადაც გახდნენ „ღვთიური ბუნების ზიარნი“ (II პეტ.1,4) უმჯობესია თუ წირვის ღამთავრების შემდეგ მცირე ხნით მაინც დარჩებით გაძარში და გაიზრებით იმ საიდუმლოებას, რომელშიც მიიღეთ მონაწილეობა. წირვის შემდეგ საიდუმლო სერობის მნიშვნელობის კიდევ ერთხელ გააზრების შემდეგ აუცილებელია:

1. ყურადღებით მოისმინოთ სამადლობელო ლოცვები.
2. ზიარების წინ ნუ დაიწყებთ პირჯვრის გადაწერას და ნუ ეამბორებით მოძღვრის ხელს, ნურც ხაგებს. ეს არ ნიშნავს, რომ მთელი ღღის განმავლობაში აღარ უნდა ვთხოვოთ მოძღვარს კურთხევის აღება.
3. ზიარების შემდეგ სტიქაროსნის მიერ მოწოდებული ღვინით და თბილი წყლით გამოივლეთ პირის ღრუ რომ წმ. ნაწილები არ დაგრჩეთ.
4. ნურც მეგანიებს გააკეთებთ. მუხლთმოყრა მწუხარების და სინანულის გამოხატულებაა, რაც მაზიარებლის მდგომარეობას არ შეესაბამება.

ზიარება და ექქარისტიული ცხოვრება გადარჩენის საწინდარია. წმ. ეგნატე ღმერთშემოსილი II ს-ში ეუესელებს წერდა: „ექქარისტია უკვდავების წამალია, ის არა მარგო სიკვდილისაგან დაგიფარავთ, არამედ ქრისტეში ახალ ცხოვრებას მოგანიჭებთ“.

ვეზიარებით რა უფლის სისხლს და ხორცს, განვიღმრთობით, გეწამს აგრეთვე, რომ სიკვდილის შემდეგაც არ მოვაკლდებით ზიარებას. ექქარისტიით მისტიურად ერთიანდებიან არა მარგო მაზიარებლები, არამედ ის ცოცხლები და მცვალებულები, რომელთა მოხსენიებას აღესრულა.

ზიარების ბოლოს წმიდა ნაწილების სამკვეთლოზე გადაგანა ხდება, აღსავლის კარში მღვდელი ბარძიშს მაღლა აწევს, რაც უფლის

ამაღლებას მოასწავებს. ხოლო მგალობლები გალობენ „აღავსე პირი ჩემი ქებითა შენითა...“ ეს გალობა მრევლს შთააგონებს, რომ წირვაზე არა მარტო ვიმყოფებოდეთ, არამედ აქტიურადაც ვმონაწილეობდეთ, ანუ ვეზიარებოდეთ.

ამბიონის ლოცვის (როცა მღვდელი აღსავლის კარიდან გამოდის და ამბიონის დაბლა, გაძარში კითხულობს ლოცვას) მნიშვნელობა მრევლის კურთხევა და ცოდვათა მიტევების სიგყვიერი გამოხატულებაა. მასში – ლოცვაში გამოხატულია მოძღვრებზე ლოცვა, მთავრობის მოხსენება, ამინდის კეთილშემზავებულობის თხოვნა და სხვა.

ძველად ამ ლოცვის კითხვისას, ეპისკოპოსი მრევლს თავზე ადებდა ხელს, მსგავსად კათაკმეველთა, შეპყრობილთა, მონანულთა კურთხევისას (თავზე ხელის დადებით).

ახლა უკვე უნდა შევაჯამოთ ზემოთ ნათქვამი და გავაკეთოთ რამოდენიმე შენიშვნა. ევქარისტია საიდუმლოა, მამები მას „საიდუმლოთა საიდუმლოს“ უწოდებენ. ის დიდი საიდუმლოს – ლოგოსის განკაცების – გამოვლენაა. ღმერთი განხორციელდა, იგი კაცი გახდა. ის მოვიდა, რათა ეხსნა კაცობრიობა, მან მიიღო რა ადამიანური სხეული „განაღმრთო“ ადამიანის ბუნება და აღამაღლა საღმრთო საყდრამდე, რომელიც ანგელოზებზე მაღლა დგას. ადამიანი შექმნილი ღმერთია – ასე ასწავლის წმ. გრიგორი ღმრთისმეტყველი. ღმერთი იმიგომ განხორციელდა, რომ პატივი მიაგო ადამიანს, განაღმრთო მისი მოკვდავი სხეული. ეს კიდევ იმიგომ განახორციელა, რომ უსხეულო ანგელოზები ამპარგავნებაში არ ჩავარდნილიყვნენ, დარწმუნებულიყვნენ, რომ განღმრთობა მხოლოდ უსხეულოთა არ იყო – ასე გვასწავლის წმ. გრიგორი პალამა. ადამიანის განღმრთობა ეკლესიის სწავლების ერთ-ერთი მნიშვნელოვანი დოგმატია, ეს სწავლება ეფუძნება პეტრე მოციქულის სწავლებას, (II პეტრე 1, 4), რომ ჩვენ ღვთაებრივი ბუნების თანაზიარნი უნდა გავხდეთ. ჩვენი ცხოვრების მიზანია არა უცოდველობა, არამედ განღმრთობა. ეს მხოლოდ ზნეობრივი განწმენდა არაა, არც ცოდვათაგან გამართლება, ეს ღმერთთან მიახლოების არც ინტელექტუალური ცოდნაა, ესაა ჩვენი რეალური, კონკრეტული გაღმრთობა. ეს კი შესაძლებელია უფლის განღმრთობილ სხეულთან ზიარებისას, ანუ ევქარისტიაში მონაწილეობით. ევქარისტიული ცხოვრება-ეკლესიაში სიარული, „გულის შემძვრელი“ გალობის მოსმენა არაა, ესაა ზიარება. უნდა ვეზიაროთ არა ერთხელ წელიწადში ან ოთხივე მარხვაში თითოჯერ, არამედ უფრო ხშირად

ან მუდმივად, იმისთვის რომ ქრისტეს განდმრთობილ სხეულთან მოუწყვეტელი კავშირი გვქონდეს. უნდა ვეზიაროთ იმისათვის, რომ ქრისტეში გავერთიანდეთ, რომ ღმრთის შვილობილობა „მოვიპოვოთ“.

ევქარისგია მსხვერპლია. მსხვერპლი „ყველასა და ყოვლისათვის“. ევქარისგია იმის განხორციელება, რაც უფალმა თავის მოსაგონებლად დაგვიგოვა. გოლგოთის მსხვერპლის გამეორებაა, ამასთანავე მისი გახსენებაც და ამიგომაცაა აღმატებული ყველა ძვ. აღთქმის მსხვერპლზე. ამ მსხვერპლის ბოლომდე გაგება, გააზრება ჩვენს გონებას არ ძალუძს და ვერ ამოხსნის ჩვენი რაციონალური ლოგიკა. ეს მსხვერპლი დროისაგან დამოუკიდებელია, იგი წარსულიცაა, აწმყოც და მომავალიც. ჩვენ მასში „ვიხსენებთ“ სამყაროს შექმნას, ღმრთის ძის მიერ კაცობრიობის გამოხსნას, მის სიკვდილს და აღდგომას, ამაღლებას და მის მეორედ მოსვლას. ეს მსხვერპლი მთელ მსოფლიოს მოიცავს და თავისთავში აერთიანებს დათითოებულ ადამიანებს. მსხვერპლი თვითონაა მღვდელმთავარი (შემწირველი), და შეწირულიც. ესაა ჩვენი მაღლიერების გამოხატულება ღმრთისადმი მომხდარზე და რაც შემდგომში აღსრულდება.

ღვთაებრივი ლიგურგია ამასთანავე სიმბოლური ქმედებაცაა, იგი ღმრთისმეგყველების „მასწავლებელიცაა“, კარები საიდუმლო სამყაროსი. ლიგურგია ბოლომდე ამოუხსნელი, გამოუცნობი ქმედებაა. ლიგურგიის ლოცვანი გვაახლოებენ ღმერთს, რადგანაც ლოცვა ღმერთთან ურთიერთობის საშუალებაა. ეს ლოცვანი, გალობანი და ქმედებანი ამასთანავე ღვთაებრივი რეალობის სიმბოლური გამოხატულებაა, ევქარისგიის დროს წარმოჩინდება და აღესრულება ჩვენი ხსნის საიდუმლო. კვეთის დროს ჩვენ ვიმყოფებით უფლის შობამდე, და შემდეგ თანმიმდევრობით ამაღლებამდე. მღვდლის ქმედება – სიმბოლურად გამოხატავს უფლის ამა თუ იმ ცხოვრებისეულ მომენტს, ან მის ჩვენზე გამოხატულ მზრუნველობას. მორწმუნე, რომელიც ესწრება წირვას, გონებით ეზიარება ამ სიმბოლურ „წარმოდგენებს“. მის წინაშე იხსნება ღვთაებრივი, გეციური ლიგურგია.

ევქარისგიის ყურადღებით შესწავლისას ვრწმუნდებით, რომ მისი თანმიმდევრობა, თავიდან ბოლომდე მწირველი მღვდლის და მრევლის ურთიერთობაზეა დამყარებული, ამ „ურთიერთობას“ თანამწირველობა ეწოდება. მოძღვრის და მრევლის თანამწირველობა მათ დიალოგურ სტრუქტურაში გამოიხატება, მღვდელი ამბობს კვერექსს, ერი კი ამოწმებს (გარდა ევქარისგიული კანონისა). ყველა ლოცვა

(გარდა ერთისა, როცა ქერუბიმთა გალობისას მღვდელი თავის განსაწმედელად ევედრება უფალს), თავისი შინაარსით „ერთობისთვისაა განკუთვნილი“ ჩვენი ღიძება - ჩვენი მაღლობა, ჩვენი ზიარება.

ქრისტიანული გაძარი უპირველესად მორწმუნე ერის შესაკრებელი, ევქარისტიული პურის განგების აღსასრულებელი ადგილია. გაძარი ესაა ადგილი, სადაც ქრისტეში ერთიანდება ცა და დედამიწა, და ამაში მდგომარეობს ეკლესიის არსი და დანიშნულება. ამაზე მეტყველებს გაძრის ფორმა და ფრესკა. ლიგურგია „ერთობის საიდუმლოებაა“. შეკრება (ერთობა) ევქარისტიის ერთ-ერთი მთავარი ქმედებაა. „როდესაც იკრიბებით ეკლესიაში“ – მოციქული პავლეს ეს სიტყვები გაძარზე კი არაა ნათქვამი, არამედ შეკრების მიზანზე და მის ბუნებაზე. გაძარში შეკრება პირველი ქრისტიანების შეგნებაში, ისეთ შესაკრებელს ნიშნავდა, რომელიც ეკლესიას გამოხატავდა. ქრისტე განკაცდა, იმიტომ რომ ღვთის შვილები ერთად შეკრიბა (იოანე 11.52). ამიტომ ზემოთ თქმულიდან გამომდინარე „შეკრება ეკლესიაში“ უნდა ჩავთვალოთ პირველ ლიგურგიკულ მოქმედებად, რომლის გაგების გარეშე, შეუძლებელი იქნება შემდგომი საიდუმლო ქმედებები. როცა ვამბობთ: „მე მივდივარ ეკლესიაში“ – ნიშნავს მე მივდივარ მორწმუნეთა შესაკრებელში, რათა ერთად შევადგინოთ ეკლესია, ანუ იესო ქრისტეს სხეულის ნაწილი გავხდეთ. ეკლესია ქრისტეს სხეულია, ჩვენ შევადგენთ ეკლესიას, ქრისტე ჩვენს შორის იმყოფება. მაცხოვარს ორი, ღვთაებრივი და კაცობრივი ბუნება ჰქონდა – ეკლესიაც ასეა. მისი, ასე ვთქვათ “ადამიანური” ბუნება ჩვენა ვართ, რომელიც მოყოლილია უამრავი სახის განსაცდელქვეშ, მაგრამ ნუგეშად ღვთის აღთქმა ეგულება: “აღვაშენო ეკლესიად ჩემი და ბჭენი ჯოჯოხეთისანი ვერ ერეოდნენ მას” (მათ.16, 18). ეკლესიის “ღვთაებრივი” ბუნების ქვეშ კი ქრისტეს სხეული იგულისხმება. საიდუმლოება მართლმადიდებლური სწავლებით რაღაცის განცხადებაა. უპირველესად ქმნილების საიდუმლოებრივი აღიარებაა, სამყარო ადამიანისთვის შეიქმნა, მარადიული ცხოვრების დასამკვიდრებლად. წყალს შეუძლია, რომ მეორედ გვშვას (ნათლობა), პური და ღვინო ქრისტეს ხორცად და სისხლად გადაიქცევა, მირონის სურნელოვანი მეთების ერთობლიობის ცხებით სული წმიდას ვეზიარებით, აქედან გამომდინარე ხილული სამყარო მოგვეცა როგორც საჩუქარი, რომლითაც ვეზიარებით ახალ ცხოვრებას. თავიდანვე მთელი სამყარო ღვთის განგებულების აღსასრულებლად შეიქმნა – „დაე იყოს ღმერ-

თი ყველაფერში“ მართლმადიდებლური სწავლებით ეკლესია თვითონაა საიდუმლოება, მისი იერარქიული, კანონიკური და ლიტურგიკული წყობაა საიდუმლოებრივი და ამასთანავე სიმბოლური. ეკლესია კიდევ იმიტომაცაა საიდუმლოება, რომ „ამა სოფელში“ წარმოაჩენს ღმერთის მიერ პირველქმნილ სამყაროს უცოდველ სახეს, ანუ დასაღმერთის მიერ პირველქმნილ სამყაროს უცოდველ სახეს, ანუ დასაღმერთის მიერ პირველქმნილ სამყაროს უცოდველ სახეს, ანუ დასაღმერთის მიერ პირველქმნილ სამყაროს უცოდველ სახეს (1 კორ. 15, 23). რომ ღმერთი იყოს ყველაფერში, ეკლესია ევქარისტიაში კი არ „გამოსახავს“ ყველაფერს ამას, არამედ ჭეშმარიტად აზიარებს მორწმუნეებს ამ „მოვლენებთან“. ევქარისტიის არსია მორწმუნეთა კრებული—ეკლესია მიიყვანოს ღმერთამდე ანუ ცათა სასუფეველამდე. ღმერთი გალობის „წმიდა ღმერთოს“ დედამიწაზე გალობა, ცისა და დედამიწის შერიგებაა, ის რომ ღმერთი გამოეცხადა ადამიანებს „რათა წილი გვექონდეს მის სიწმინდეში“ (ებრ. 12.10).

ქრისტიანი მოწოდებულია, რათა საკუთარი თავი დადოს მოყვასისთვის, და იზრუნოს პიროვნული სრულყოფისათვის, განწმენდისათვის. ეკლესიაში უკვე ნაკლებად არიან ისეთი მორწმუნეები, რომლებიც სრულყოფილად განიცდიან ეკლესიის მოწოდებას (სხვისთვის თავის დადება და პიროვნული ბრძოლა), უმრავლესობას ქრისტიანობა წარმოუდგენია როგორც პიროვნული ხსნის, საკუთარი თავის გადარჩენის რელიგია და არა ერთად სულა ღვთისავენ, ერთად მონაწილეობა ქრისტეს ბარძიშში (გკივილის და მწუხარების გაზიარება). ერთობის, კრებულობისკენ მოწოდება დიდ და მრჩობლ კვერექსებშია გადმოცემული. ლოცვა იქ საერთო საქმეაა ქცეული. მორწმუნეებმ უნდა დაუგეგვოს მზრუნველობა საკუთარ თავზე და შეერწყას ეკლესიის ლოცვას. დიდ კვერექსში ქრისტიანული ფასეულობების იერარქიაა გადმოცემული. არც პირადული თხოვნებია გამორიცხული საეკლესიო ლოცვაში, იგი გადმოცემულია მრჩობლ კვერექსში. მსახურობის დასაწყისში ყველაფერი კერძო თითქოს ქრება საერთოში, აქ კი ეკლესიის ლოცვა გამახვილებულია კერძოდ ამ ადამიანზე, ამ საჭიროებაზე. წირვის შემდეგ რომელიმე კერძო მსახურების აღსრულება (პანაშვიდი, სამადლობელო პარაკლისი) ეწინააღმდეგება ჩვენს ღმერთისმსახურებას. რამეთუ ყველაზე დიდი მაღლობის გამოხატულება მორწმუნეს, ბიარებაში მონაწილეობით შეუძლია, გარდაცვალებულისთვის წირვა უფრო „დიდი“ საქმეა ვიდრე პანაშვიდი (ჩვენ აქ ვგულისხმობთ იმ შემთხვევებს, როცა მორწმუნე ესწრება წირვას და მერე ითხოვს პანაშვიდის ან პარაკლისის გადახდას). ამ

პრობლემის მოგვარება ლიგურგიაში საერთოს და კერძოს შორის თანასწორობის აღდგენაა, ანუ ყველაფერი კერძო, პიროვნული უნდა შეერწყას საერთო საქმეს, ქრისტეს სიყვარულს, რომელსაც საიდუმლო ეწოდება და რომელიც აღესრულება წირვაზე. ლიგურგიის არსი ის კი არ არის, რომ მღვდელი წირავდეს მრევლისთვის, ხოლო თითოეული მორწმუნე თავისი მოთხოვნილებებისთვის მონაწილეობდეს მსახურებაში, არამედ ის, რომ მთელი კრებული, ერთმანეთს დამორჩილებული მსახურებაში, შეადგენდეს ერთ სხეულს, რათა აღასრულონ იესო ქრისტეს მსახურება. უნდა გვახსოვდეს, რომ ჩვენი თავისთვის კი არ უნდა მივდიოდეთ ეკლესიაში, ჩვენი სურვილები კი არ უნდა განვახორციელოთ იქ, არამედ ქრისტეს საერთო საქმე აღვასრულოთ ამ სოფელში. საკუთარი თავის გადარჩენის სხვა გზა არ არსებობს, გარდა საკუთარი ცხოვრების ქრისტესადმი მიძღვნისა. რადგანაც მან ისე შეგვიყვარა, რომ ჩვენი განწმედისათვის საკუთარი თავი გაწირა. სწორედ ამ მსახურების აღსასრულებლად ვიკრიბებით ჩვენ ეკლესიაში, რომელსაც წირვა ეწოდება.

მსხვერპლზე და მსხვერპლშეწირვაზე უამრავი წიგნია დაწერილი. მათი განმარტებებიც სხვადასხვანაირია. ღვთისმეტყველები, ისტორიკოსები, ფილოსოფოსები ფსიქოლოგები – ყველა თავისებურ განმარტებებს იძლევა მსხვერპლის შესახებ. ზოგის აზრით, მსხვერპლის გაღება ხდება შიშით, ან სიხარულით, ზოგი ქვენა გრძნობების გამოხატულებას უწოდებს მას, ზოგიც ამაღლებული გრძნობებისას. როგორი ღირებულიც არ უნდა იყოს ეს განმარტებები, ერთი ცხადია, რომ აღამიანს ყოველთვის აქვს მოთხოვნილება – ღმერთს მსხვერპლი შესწიროს. აბელის და კაენის დროიდან მსხვერპლის სისხლით იქმნებოდა დედამიწა, ხოლო ყოვლადღასაწველის კვამლი კი ცისკენ მიემართებოდა. იმ საზოგადოებაში სადაც არსებობს ღვთისაკენ სწრაფვა, სადაც შეიმეცნებენ ცოდვის სიმძიმეს და ამა სოფლისაგან მოწყენილნი არიან, იქ ყოველთვის არსებობს მსხვერპლშეწირვა. მსხვერპლით ადამიანი თავის თავს და საუკეთესო, ნარჩევ ძღვენს ღმერთს უძღვნის. ადამიანი შეიმეცნებს რა ღმერთს მერე ცდილობს აღარ დამორღეს მას და მიისწრაფის მასთან ერთობას. ამ გზაზე კი მას ცოდვა ელობება, წირავს რა ღმერთს მსხვერპლს, მორწმუნე ევედრება ცოდვათა მიტევებისათვის. ამ მსხვერპლის გაღებაში სურს ჩადოს მთელი მთელი თავისი ცხოვრების გკივილი და განჯვა, რომ სისხლით, ეკლიანი გზით და სიკვდილით გამოისყიდოს თავისი დანა-

შაული და შეუერთდეს ღმერთს.

ახალი მსხვერპლის გაღება უკვე საჭირო აღარაა, რადგანაც ქრისტეს მეშვეობით შეგვიძლია მამალღმერთთან მისვლა (ეფეს. 2.18). ვინც ჭეშმარიტად იცავს ქრისტეს მცნებას მან თავისი ცხოვრება უკვე დაუკავშირა უფალს და მსხვერპლადაც მიაქვს თავისი ცხოვრება მამა ღმერთთან. ჩვენ იმიტომ აღვასრულებთ ლიგურგიას, რომ ქრისტე უკვე მსხვერპლადაა შეწირული და მასში განცხადდა ღვთის განგებულება სამყაროსა და ადამიანის შესახებ; კარგად ჩანს მსხვერპლშეწირვაში ადამიანის მოწოდება – გახდეს ღვთისადმი შეწირული და ამ მსხვერპლში ნახოს თავისი დანიშნულება. ჩვენი ღვთისმსახურება სიმბოლოებითაც მდიდარია, ოღონდ ეს სიმბოლოები ბოლომდე განმსჭვალულია ჭეშმარიტებით და არამც და არამც მხოლოდ გამომსახველობითი მნიშვნელობით. მაგ. კვეთის სიმბოლოების რეალურობა ის არის, რომ პური და ღვინო, ანუ ქრისტეს მსხვერპლი, მოიცავს ჩვენს შესაწირავსაც, როდესაც მთლიანად მივუძღვნით საკუთარ თავს ღმერთს. აქედან გამომდინარეობს კვეთის სამსხვერპლო ხასიათი. სეფისკვერის მომზადება, როგორც დასაკლავი გვარაკის, ღვინო – უფლის გვერდიდან გარდამოსული სისხლი, და როცა დამთავრდება ეს მზადება, მხოლოდ მაშინ იწყება ლიგურგია.

ქრისტიანობა მხოლოდ მცნებების ერთობლიობა არაა, იგი ამასთანავე სიყვარულის განცხადებაა, რომელიც წყალობის სახით გვეძლევა უფლისაგან. როდესაც ქრისტე ეუბნება მოციქულებს „ახალ მცნებას მოგცემთ თქვენ, რათა გიყვარდეთ ერთმანეთი“. – ამ გექსტში კი არ არის რაიმე ახალი, რადგანაც ძვ. აღთქმაშიც სთხოვდა ღმერთი ადამიანებს ერთმანეთს სიყვარულს, არამედ ის რომ ახლა ქრისტეს მოსვლით შესაძლებელი გახდა ამ მცნების შესრულება. დაცემული სამყაროს არსი იმაში მდგომარეობს, რომ გამეფდა განყოფილება ერთმანეთს გაურბის და თითოეულს ცალკე სურს ცხოვრება, რომ სხვამ არ შეაწუხოს; ამის დაძლევა „ბუნებრივი“ სიყვარულით შეუძლებელია. ეკლესიის არსი კი ის არის, რომ სამყაროში განაცხადოს სიყვარული, და სიყვარული ცხოვრების განუყოფელ ნაწილად აქციოს. ჩვენ კი ევთისტური ბრახვებით კველავ ვაღრმავებთ ამ განყოფილებას, თვით ეკლესიაში ღვთისმად, როცა ზოგს „ახლობლად“ ვრაცხთ, ზოგს კი „უცხოდ“ აღვიქვამთ ან უპიროვნო მასად, რომლებიც „სულიერი ძალების“ კონცენცრაციას გვიშლიან. ხშირად ასეთი „სულიერი“ და „მლოცველი“ მორწმუნეები ღიად აცხადებენ თავი-

ანთ უსიყვარულობას მრევლის მიმართ და ეძებენ ცარიელ და მყუდრო გაუნათებელ გაძრებს, სადაც ხელს არავენ შეუშლის და რაც მთავარია ამ „ბრბოსაგან“ განთავისუფლებული იქნება. ჭეშმარიტად, ასეთი ინდივიდუალური „ჩაღრმავება“ მიუღებელია ეკლესიის ერთობისთვის. ეკლესიაში ხდება ჩვენი ქრისტესთან ზიარება და აქ აღესრულება საიდუმლოება „ჩვენ მრავალნი ერთი სხეული ვართ“ პირველი ქრისტიანებისთვის ამბორისყოფა მხოლოდ სიყვარულის გამოსახაგავი სიმბოლო არ ყოფილა, არამედ სიყვარულის საიდუმლო მსახურება იყო — სადაც ხილული ქმედებით, ჭეშმარიტად უხილავად ღვთაებრივი სიყვარულით ივსებოდა მორწმუნეთა გულები. ამიგომ იყო, რომ ძველად ქრისტიანები სიგყვიერი პასუხით კი არ კმაყოფილდებოდნენ (რომ უყვარდათ ერთმანეთი) არამედ ქმედებითაც ამგვიცებდნენ მას. ერთმანეთის ამბორით იწყებოდა მართალთა ლიგურგია, და ამიგომ „შეიმოსება“ რა მორწმუნე ამ სიყვარულით შეუძლია უკვე მონაწილეობა მიიღოს წირვაში და გახდეს ღირსი ქრისტეს სისხლის და ხორცისა.

„ვსდგეთ კეთილად, ვსდგეთ შიშით მოხედენ წმიდასა ამას შესაწირავსა მშვიდობით შეწირვადსა“ — თითქოს რაღაც დამთავრდა წირვაში და რაღაც ახალი იწყება. იწყება ევექარისტიკული კანონი, ლიგურგიის ის მნიშვნელოვანი ნაწილი, რომლის დროსაც პური და ღვინო ქრისტეს ხორცად და სისხლად გარდაიქცევა. ეს პასუხი ცხადია ფორმალურად სწორია, მაგრამ მოითხოვს დაზუსტებას, რადგანაც ის სხვადასხვანაირად შეიძლება გავიგოთ, არადა მასზეა დამოკიდებული წირვის სწორი გაგება. უპირველესად დავსვათ კითხვა, რატომაა მნიშვნელოვანი წირვის ეს ნაწილი ღვინის და პურის — ქრისტეს სისხლად და ხორცად გადაქცევა. ნუთუ წირვის სხვა ნაწილი ნაკლებად მნიშვნელოვანი და ყურადსაღებია? და ასეც მოხდა სქოლასტიკურად მოამბროვნე ღვთისმეტყველებმა ევექარისტიკის საიდუმლოება თითქმის მის ერთ ნაწილზე (ევექარისტიკულ კანონზე) დაიყვანეს. ამიგომ ლიგურგიის დანარჩენი ნაწილები ამ მთავარ ნაწილთან მიმართებაში არამთავარნი აღმოჩნდნენ. ან უფრო ცუდ შემთხვევაში უსარგებლონიც კი. ამან გამოიწვია ის, რომ ლიგურგისტები „კანონისგები“ ღვთისმსახურებაში მხოლოდ „გამომსახველობით სიმბოლოს“ ეძებენ და არა საიდუმლოს ჭეშმარიტ არსს. ჩვენი მიზანია ღვთაებრივი ლიგურგია წარმოვაჩინოთ როგორც ერთი, მთლიანი, თუმცა სხვადასხვანაწილებიანი მღვდელმოქმედება, საიდუმლოება,

რომელშიც ყველა ნაწილი, აუცილებელია სხვა ნაწილის სისრულის წარმოსაჩენად და საბოლოო ჯამში ამ ქმედებებისთვის ღვთაებრიობის მინიჭება. „მადლი უფლისა ჩვენისა იესო ქრისტესი და სიყვარული ღმრთისა და მამისა...“ ამ კურთხევის არსი ისაა, რომ ეკლესია შეკრებილია ქრისტეში და მასში აღასრულებს ევქარისტიას. ეს ნიშნავს ქრისტესთან ასეთ ერთობაში ჩვენს ქმედებებს ქრისტე აღასრულებს და მისით აღსრულებული ყველაფერი მოგვემადლება ჩვენ.

შემდგომი ასამაღლებელი „ზე გვაქენდი გულნი“ (ღე ჩვენი გულნი გეცად ამაღლოდნენ“) შეგვახსენებს, რომ ევქარისტია არა მარგოდელამიწაზე, არამედ გეცაში აღესრულება (ეფ. 2,5-6). ლიგურგიის დაწყებისთანავე, „გაძარში შეკრებისთანავე“ დაიწყო მრევლის გეცად აღსვლის „მსვლელობა“, სადაცაა ჩვენი ნამდვილი ცხოვრება. ეს ცა, ეს ამაღლებული სამყოფელი ჩვენს შორისაა, სადაც დავბრუნდით საშინელი განდევნის, მწუხარების და გკივილის გადაგანის შემდეგ. წმ. იოანე ოქროპირის თქმით ეს მოწოდება ერთგვარი გაფრთხილებაა, იმისთვის რომ გეცად მოწოდებულნი მიწას არ მივეჯაჭვოთ. ვინც ვერ განთავისუფლდა მიწიერისაგან, გეცადაც ძნელად გამოიძებნება მისთვის ადგილი. ამიგომ გვესმის რა ეს თხოვნა, შევეკითხოთ ჩვენს თავს: მიმართულია კი ღვთისკენ ჩემი გული? თუ დადებითი პასუხი გაეცემა ამ კითხვას, ჩვენი სისუსტის, ჩვენი დაცემის მიუხედავად მიღებულ ვიქნებით ჩვენს ნამდვილ სამშობლოში. თუ არა უფლის მეორედ მოსვლა ასეთი მორწმუნისათვის საშინელი სასამართლო იქნება.

კიდევ ერთი მთავარი საღვთისმეცყველო საკითხი, რაცაა დაკავშირებული ევქარისტიასთან ისაა, რომ ზოგიერთნი მსხვერპლმეწირვას და ზიარებას ერთმანეთისგან დამოუკიდებლად განიხილავენ. ისინი მათთვის მხოლოდ არსებობენ ევქარისტიაში, მაგრამ შინაგანი კავშირის გარეშე. საღვთისმსახურო პრაქტიკაშიც ასეა, ევქარისტიამსხვერპლი უცხო შეიძლება იყოს ევქარისტია-ზიარებისაგან. მორწმუნემ შეიძლება შეწიროს შესაწირავი, მონაწილეობა მიიღოს წირვაში – ილოცოს, სეფისკვერი მიიღოს და შეიძლება არ ეზიაროს. შეიძლება იმიგომ, რომ მორწმუნე ადამიანების ცნობიერებაში დაკარგულია ზიარების და მსხვერპლის კავშირი და ბატონობს მათში ინდივიდუალური „სულიერი მოთხოვნილებების“ დაკმაყოფილება: კურთხევა, ნუგეშინისცემა, პარაკლისის გადახდა... ე.ი. ზიარებამ საერთო, საეკლესიო მნიშვნელობა დაკარგა და გადაიქცა პიროვნულ-

კეთილგონივრულ „აქტად“ და ეს „აქტი“ რეგულირდება თავად მორწმუნის „არჩევით“ და არა ეკლესიის კურთხევით. ეს უკვე წინააღმდეგობაში მოდის ეკლესიის ერთობასთან, რასაც (ერთობას) ვევედრებით ლიგურდიის დასაწყისში და ბოლოში ღმერთს: „სავსება ეკლესიისა დაიცევ“, რომელსაც პირველი ქრისტიანები მისდევდნენ.

პირველი საუკუნის ეკლესიამ იცოდა, რომ არავინ იყო ღირსი, თავისი სულიერი მოღვაწეობით, თავისი „ღირსებით“ გიარებოდა ქრისტეს სისხლსა და ხორცს. მომზადება გულისხმობს არა „ღირსების“ ან „ღირსობის“ ანალიზს არამედ სიყვარულზე სიყვარულის მიგებას – როგორც წირვის ერთ-ერთი საიდუმლო ლოცვა შეგვაგონებს.

ლიგურგიაში კი არ გამოვსახავთ ან უბრალოდ ვიმეორებთ ადამიანის გამოსნის საიდუმლოებას, არამედ თავად (მორწმუნეები) ვხდებით ამ საიდუმლოების გიარნი, რითაც იწყება ახალი ცხოვრება, ახალი დრო. ხოლო ახალი დრო სული წმიდის მოხვეჭას ნიშნავს (გამოცხ. 1.10) ეკლესიაზე სული წმიდის მოფენის დღიდან ახალი დროის ათვლა დაიწყო. ე.ი. ლიგურგია განახლებულ დროს აღესრულება სული წმიდის ძალით. ევქარისტიის მიზანი პურის და ღვინის გადაქცევა კი არაა, არამედ ჩვენი გიარება ქრისტესთან ღმერთთან, რომელიც ჩვენი ცხოვრების საკვები შეიქმნა.

ეკლესიის აღორძინება მრევლის მიერ ევქარისტიის სწორ გაგებასა და მასში მონაწილეობას გულისხმობს, მოციქულთა ღროინდელი თემის აღორძინება სული წმიდის მოქმედების გარეშე, რომელიც ორი ათასი წელი მოქმედებს მართლმადიდებელ ეკლესიაში, ხელოვნური და მცდარი იქნება. უნდა დავრწმუნდეთ, რომ ეკლესია ორგანიზაცია კი არა ღვთის ერია, ეკლესია საკულგო რელიგია კი არა, არამედ ლიგურგიაა, რომელიც მოიცავს უფლის მთელ ქმნილებას, ეკლესია სწავლება კი არაა, სულის უკვდავების შესახებ, არამედ ღმერთთან შეხვედრა. ჩვენ წირვის შემდეგ კვლავ ვბრუნდებით ერში, რომ დავამოწმოთ ჭეშმარიტება და აღვასრულოთ ჩვენი მოწოდება. ის თითოეულ ჩვენგანს განსხვავებული, თავისი აქვს. ეს მოწოდება ერთიანიცაა, ესაა ლიგურგია, ადამიანის განღმრთობა.